



---

*Uimhir 12 de 2011*

---

**ACHT NA LIA-CHLEACHTÓIRÍ (LEASÚ), 2011**

*[An tiontú oifigiúil]*

---

Alt

1. Míniú.
  2. Leasú ar alt 2 d'Acht 2007.
  3. Leasú ar alt 7 d'Acht 2007.
  4. Leasú ar alt 11(2) d'Acht 2007.
  5. Leasú ar alt 36(1) d'Acht 2007.
  6. Leasú ar alt 43 d'Acht 2007.
  7. Leasú ar alt 45 d'Acht 2007.
  8. Lia-chleachtóirí a chlárú sa Rannán Maoirsithe.
  9. Leasú ar alt 52 d'Acht 2007.
  10. Feidhm Chodanna 7, 8 agus 9 maidir le lia-chleachtóirí a bhí cláraithe roimhe sin sa Rannán Maoirsithe.
  11. Leasú ar alt 60 d'Acht 2007.
  12. Leasú ar alt 70 d'Acht 2007.
  13. Gan feidhm a bheith ag ailt 71 agus 72 i gcásanna áirithe.
  14. Dualgas na Comhairle breith a thabhairt i dtaobh smachtbhanna cuí i gcásanna áirithe (Rannán Maoirsithe).
  15. Forálacha d'fhorlíonadh alt 71A.
  16. Leasú ar alt 73 d'Acht 2007.
  17. Leasú ar alt 74 d'Acht 2007.
  18. Leasú ar alt 75(1) d'Acht 2007.
  19. Leasú ar alt 76 d'Acht 2007.
  20. Gearrtheideal agus tosach feidhme.
-

[Uimh. 12.] *Acht na Lia-Chleachtóirí (Leasú)*, 2011. [2011.]

AN TACHT DÁ DTAGRAÍTEAR

Acht na Lia-Chleachtóirí, 2007

2007, Uimh. 25



---

*Uimhir 12 de 2011*

---

**ACHT NA LIA-CHLEACHTÓIRÍ (LEASÚ), 2011**

*[An tiontú oifigiúil]*

---

ACHT DO LEASÚ AGUS DO LEATHNÚ ACHT NA LIA-  
CHLEACHTÓIRÍ, 2007.

*[8 Iúil 2011]*

ACHTAÍTEAR AG AN OIREACHTAS MAR A LEANAS:

**1.**—San Acht seo, ciallaíonn “Acht 2007” Acht na Lia- Míniú.  
Chleachtóirí, 2007.

**2.**—Leasaítear alt 2 d’Acht 2007—

Leasú ar alt 2  
d’Acht 2007.

(a) tríd an méid seo a leanas a chur in ionad an mhíniú ar  
“cláraithe”:

“ciallaíonn ‘cláraithe’, i ndáil le lia-chleachtóir, cláraithe  
faoi alt 44, 46, 47, 48, 49, 50 nó 50A;”,

(b) tríd an méid seo a leanas a chur in ionad an mhíniú ar  
“lia-chleachtóir cláraithe”:

“ciallaíonn ‘lia-chleachtóir cláraithe’, faoi réir alt 56A, lia-  
chleachtóir a bhfuil a ainm nó a hainm taifeadta de thuras  
na huair sa chlár;”,

agus

(c) tríd an míniú seo a leanas a chur isteach:

“ciallaíonn ‘Rannán Maoirsithe’ an rannán sin den chlár  
dá dtagraítear in alt 43(2)(e);”.

**3.**—Leasaítear alt 7 d’Acht 2007 i bhfo-alt (2) tríd an méid seo a  
leanas a chur isteach i ndiaidh mhír (b):

Leasú ar alt 7  
d’Acht 2007.

“(ba) poist a cheadú chun críocha alt 50A.”.

[Uimh. 12.] Acht na Lia-Chleachtóirí (Leasú), 2011. [2011.]

Leasú ar alt 11(2)  
d'Acht 2007.

4.—Leasaítear alt 11(2) d'Acht 2007 trí na míreanna seo a leanas a chur isteach i ndiaidh mhír (r):

“(ra) critéir a leagan síos chun iarratais ar chláru a mheasúnú, sa Rannán Maoirsithe, ar ina leith a leagfar síos critéir éagsúla i ndáil le haicmí éagsúla post,

(rb) scrúduithe agus measúnachtaí a shonrú d'fhonn a chumasú do chleachtóir a bhfuil iarratas déanta aige nó aici ar chláru nó a bheartaíonn iarratas den sórt sin a dhéanamh sa Rannán Maoirsithe a chruthú don Chomhairle gur comhlíonadh na critéir atá leagtha síos i rialacha arna ndéanamh faoi mhír (ra),”.

Leasú ar alt 36(1)  
d'Acht 2007.

5.—Leasaítear alt 36(1) d'Acht 2007—

(a) tríd an méid seo a leanas a chur in ionad mhír (a):

“(a) lia-chleachtóir a chláru faoi alt 46, 47, 48, 49 nó 50A,”

agus

(b) tríd an méid seo a leanas a chur in ionad mhír (b):

“(b) cláru lia-chleachtóra faoi alt 44, 46, 47, 48, 49 nó 50A a choinneáil ar bhonn bliantúil,”.

Leasú ar alt 43  
d'Acht 2007.

6.—Leasaítear alt 43 d'Acht 2007:

(a) i bhfo-alt (2)—

(i) trí “beidh 5 rannán sa chlár” a chur in ionad “beidh 4 rannán sa chlár”,

(ii) trí “is cuí leis an gComhairle,” a chur in ionad “is cuí leis an gComhairle, agus” i mír (c),

(iii) trí “is cuí leis an gComhairle, agus” a chur in ionad “is cuí leis an gComhairle.” i mír (d), agus

(iv) tríd an mír seo a leanas a chur isteach i ndiaidh mhír (d):

“(e) an Rannán Maoirsithe, ina n-áireofar ainmneacha na lia-chleachtóirí sin atá cláraithe sa rannán sin de bhun alt 50A agus cibé sonraí aitheantais eile de chuid na gcleachtóirí sin (lena n-áirítear an post, a bheidh uimhrithe agus inaitheanta go leithleach, lena mbaineann gach cláru den sórt sin) is cuí leis an gComhairle.”.

agus

(b) i bhfo-alt (4)(a)(ii), trí “sa Rannán Speisialtóirí faoi Oilíúint, sa Rannán Cleachtóirí LEE ar Cuairt nó sa Rannán Maoirsithe,” a chur in ionad “sa Rannán Speisialtóirí faoi Oilíúint nó sa Rannán Cleachtóirí LEE ar Cuairt,”.

7.—Leasaítear alt 45 d’Acht 2007—

Leasú ar alt 45  
d’Acht 2007.

- (a) i bhfo-alt (2), trí “ailt 46, 47, 48, 49, 50, 50A, 53 agus 54(4)” a chur in ionad “ailt 46, 47, 48, 49, 50, 53 agus 54(4)”, agus
- (b) i bhfo-ailt (7), trí “alt 46, 47, 48, 49 nó 50A” a chur in ionad “alt 46, 47, 48 nó 49”.

8.—Leasaítear Acht 2007 tríd an alt seo a leanas a chur isteach i ndiaidh alt 50:

Lia-chleachtóirí a  
chlárú sa Rannán  
Maoirsithe.

“Lia-  
chleachtóirí a  
chlárú sa  
Rannán  
Maoirsithe.

50A.—(1) Cláróidh an Chomhairle sa Rannán Maoirsithe lia-chleachtóir a dhéanann iarratas chun go dtaifeadfaí a ainm nó a hainm sa chlár i gcás go gcomhlíonfaidh an cleachtóir sin na nithe seo a leanas—

- (a) na ceanglais a shonraítear san Acht seo agus a bhaineann le lia-chleachtóirí a chlárú sa Rannán Maoirsithe, agus
- (b) na critéir iomchuí a shonraítear i rialacha arna ndéanamh faoi alt 11 agus a bhaineann le lia-chleachtóirí a chlárú sa Rannán Maoirsithe.

(2) Níl feidhm ag fo-alt (1) i ndáil le lia-chleachtóir—

- (a) a chomhlíonann na ceanglais a shonraítear san Acht seo, agus
- (b) a chomhlíonann na critéir a shonraítear i rialacha arna ndéanamh faoi alt 11,

chun a cheadú an cleachtóir sin a chlárú i rannán eile den chlár.

(3) Ní ceadmhach lia-chleachtóir a bheith cláraithe sa Rannán Maoirsithe ar feadh tréimhse is faide ná 2 bhliain san iomlán.

(4) Ní bheidh feidhm ag clárú lia-chleachtóra sa Rannán Maoirsithe maidir leis an gcleachtóir sin ach amháin i leith poist a bheidh uimhrithe agus inaitheanta go leithleach agus a bheidh ceadaithe ag an gComhairle chun críche an ailt seo agus ar post é a bhfuil sé deimhnithe ag Feidhmeannacht na Seirbhíse Sláinte ina leith gur post é a fhaigheann maoiniú poiblí.

(5) Ní cheadóidh an Chomhairle post de bhun fho-alt (4) mura deimhin léi gur bunaíodh socruithe leordhóthanacha chun maoirsiú a dhéanamh ar an lia-chleachtóir lena mbaineann an t-iarratas ar chlárú i gcomhlíonadh a dhualgas nó a dualgas sa phost, ag féachaint do leibhéal taitní an chleachtóra lena mbaineann an t-iarratas ar chlárú, do shinsearach an phoist agus do na dualgais a bheidh le comhlíonadh ag an gcleachtóir sin.

(6) Ní ceadmhach do lia-chleachtóir a bhfuil a ainm nó a hainm taifeadta sa Rannán Maoirsithe míochaine a chleachtadh sa Stát, ach amháin—

(a) sa phost dá dtagraítear i bhfo-alt (4) ar i ndáil leis atá an cleachtóir sin cláraithe, agus

(b) de réir na dtéarmaí agus na gcoinníollacha fostaíochta a bhaineann leis an bpost sin.

(7) Ní dheimhneoidh Feidhmeannacht na Seirbhíse Sláinte maidir le post gur post é atá ag fáil maoiniú poiblí mura rud é go bhfuil an luach saothair agus na sochair i leith an phoist á maoiniú go hiomlán nó go feadh méid substaintiúil ag Feidhmeannacht na Seirbhíse Sláinte.

(8) I gcás go scoireann lia-chleachtóir atá cláraithe sa Rannán Maoirsithe den phost lena mbaineann a chlárú nó a clárú a shealbhú, scoirfidh an duine sin de bheith cláraithe amhlaidh.

(9) I gcás go scoireann lia-chleachtóir atá cláraithe sa Rannán Maoirsithe den phost lena mbaineann a chlárú nó a clárú a shealbhú, tabharfaidh fostóir an chleachtóra sin fógra don Chomhairle i dtaobh an fhórais sin laistigh de 5 lá ón tráth a scoirfidh an cleachtóir den phost sin a shealbhú.”.

Leasú ar alt 52 d’Acht 2007.

**9.**—Leasaítear alt 52 d’Acht 2007 tríd an bhfo-alt seo a leanas a chur isteach i ndiaidh fho-alt (5):

“(5A) Níl feidhm ag fo-ailt (4) agus (5) maidir le lia-chleachtóir atá cláraithe sa Rannán Maoirsithe.”.

Feidhm Chodanna 7, 8 agus 9 maidir le lia-chleachtóirí a bhí cláraithe roimhe sin sa Rannán Maoirsithe.

**10.**—Leasaítear Acht 2007 tríd an alt seo a leanas a chur isteach i ndiaidh alt 56, ach i gCuid 7:

“Feidhm Chodanna 7, 8 agus 9 maidir le lia-chleachtóirí a bhí cláraithe roimhe sin sa Rannán Maoirsithe.

56A.—Sa Chuid seo agus i gCodanna 8 agus 9, d’ainneoin an mhínithe ar lia-chleachtóir cláraithe in alt 2, déanfar tagairt do lia-chleachtóir cláraithe, faoi réir alt 60(1A) agus alt 70A, a fhorléiriú mar thagairt a fholaíonn tagairt do lia-chleachtóir cláraithe a raibh a ainm nó a hainm cláraithe roimhe sin sa Rannán Maoirsithe ach nach bhfuil a ainm nó a hainm cláraithe amhlaidh a thuilleadh agus nach bhfuil cláraithe in aon rannán eile den chlár, bíodh nó ná bíodh gur tháinig deireadh le clárú an lia-chleachtóra sula ndearnadh gearán nó tar éis gearán a dhéanamh.”.

**11.**—Leasaítear alt 60 d’Acht 2007—

Leasú ar alt 60  
d’Acht 2007.

- (a) trí na fo-ailt seo a leanas a chur isteach i ndiaidh fho-alt (1):

“(1A) I gcás lia-chleachtóra a raibh a ainm nó a hainm cláraithe roimhe sin sa Rannán Maoirsithe agus nach bhfuil ainm an lia-chleachtóra sin cláraithe in aon rannán eile den chlár, féadfaidh an Chomhairle iarratas *ex parte* a dhéanamh chun na Cúirte ar ordú lena dtoirmisctear ar an lia-chleachtóir sin iarratas a dhéanamh ar chlárú in aon cheann de rannáin an chláir.

(1B) Ní dhéanfaidh an Chomhairle iarratas faoi fho-alt (1A) mura rud é go measann sí gur gá an toirmeasc a lorgáitear chun an pobal a chosaint go dtí go nglacfar bearta nó bearta breise faoin gCuid seo agus, más infheidhme, faoi Chodanna 8 agus 9.

(1C) Féadfar iarratas faoi fho-alt (1A) a dhéanamh, bíodh nó na bíodh an lia-chleachtóir ina ábhar nó ina hábhar do ghearán.”,

- (b) i bhfo-alt (2), trí “faoi fho-alt (1) nó (1A)” a chur in ionad “faoi fho-alt (1)”,

- (c) tríd an méid seo a leanas a chur isteach i ndiaidh fho-alt (3):

“(3A) Féadfaidh an Chúirt iarratas faoi fho-alt (1A) a chinneadh—

- (a) trí aon ordú is cuí léi a dhéanamh, lena n-áirítear ordú lena dtoirmisctear ar an lia-chleachtóir, is ábhar don iarratas, iarratas a dhéanamh ar chlárú in aon rannán den chlár don tréimhse atá sonraithe san ordú, agus

- (b) trí aon ordachán is cuí leis an gCúirt a thabhairt don Chomhairle.”,

agus

- (d) i bhfo-alt (4), trí “faoi fho-alt (3) nó (3A), de réir mar a bheidh,” a chur in ionad “faoi fho-alt (3)”.

**12.**—Leasaítear alt 70 d’Acht 2007 i mír (b) trí “faoi alt 71 nó 71A, de réir mar is cuí,” a chur in ionad “faoi alt 71”.

Leasú ar alt 70  
d’Acht 2007.

**13.**—Leasaítear Acht 2007 tríd an alt seo a leanas a chur isteach i ndiaidh alt 70, ach i gCuid 9:

Gan feidhm a  
bheith ag ailt 71  
agus 72 i gcásanna  
áirithe.

“Gan feidhm a bheith ag ailt 71 agus 72 i gcásanna áirithe. 70A.—Níl feidhm ag ailt 71 agus 72 i gcás go raibh an lia-chleachtóir lena mbaineann cláraithe roimhe sin sa Rannán Maoirsithe ach go bhfuil deireadh lena chlárú nó lena clárú sa rannán sin agus nach bhfuil sé nó sí cláraithe in aon rannán eile den chlár.”.

Dualgas na Comhairle breith a thabhairt i dtaobh smachtbhanna cúí i gcásanna áirithe (Rannán Maoirsithe).

**14.**—Leasaítear Acht 2007 tríd an alt seo a leanas a chur isteach i ndiaidh alt 71:

“Dualgas na Comhairle breith a thabhairt i dtaobh smachtbhanna cúí i gcásanna áirithe (Rannán Maoirsithe).

71A.—I gcás lia-chleachtóra a bhí cláraithe roimhe sin sa Rannán Maoirsithe ach go bhfuil deireadh lena chlárú nó lena clárú sa rannán sin agus nach bhfuil sé nó sí cláraithe in aon rannán eile den chlár, tabharfaidh an Chomhairle breith, a luaithe is indéanta tar éis an tuarascáil ón gCoiste um Fheidhmiúlacht chun Cleachtadh dá dtagraítear in alt 69(1) i ndáil le gearán i dtaobh lia-chleachtóra, i gcás gurb infheidhme alt 70(b), a fháil agus a bhreithniú, go ndéanfar aon cheann amháin nó níos mó de na smachtbhannaí seo a leanas a fhorchur ar an gcleachtóir:

- (a) comhairle nó iomardú, nó cáineadh, i scríbhinn;
- (b) cáineadh i scríbhinn agus fineáil nach mó ná €5,000;
- (c) coinníollacha a chur i gceangal ar coinníollacha iad a mbeidh feidhm acu maidir le clárú an lia-chleachtóra i gcás go ndéanann an cleachtóir iarratas ar chlárú ar an gclár, lena n-áirítear srianta ar chleachtadh na míochaine a bhféadfaidh an cleachtóir a bheith ag gabháil dó;
- (d) toirmeasc ar an gcleachtóir iarratas a dhéanamh ar feadh tréimhse sonraithe ar chlárú i rannán nó i rannáin den chlár.”.

Forálacha d’fhorlíonadh alt 71A.

**15.**—Leasaítear Acht 2007 tríd an alt seo a leanas a chur isteach i ndiaidh alt 72:

“Forálacha d’fhorlíonadh alt 71A.

72A.—Sonróidh an Chomhairle, ar bhreith a thabhairt faoi alt 71A smachtbhanna dá dtagraítear in alt 71A(b), (c) nó (d) a fhorchur ar lia-chleachtóir cláraithe—

- (a) i gcás smachtbhanna dá dtagraítear in alt 71A(b), méid na fineála a fhorchuirfead ar an gcleachtóir,
- (b) i gcás smachtbhanna dá dtagraítear in alt 71A(c), na cineálacha coinníollacha a bheidh le cur ag gabháil le clárú an chleachtóra,
- (c) i gcás smachtbhanna dá dtagraítear in alt 71A(d), an tréimhse ar lena linn a thoirmisctear ar an gcleachtóir iarratas a dhéanamh ar chlárú sa chlár.”.



[2011.] *Acht na Lia-Chleachtóirí (Leasú), 2011. [Uimh. 12.]*

**16.**—Leasaítear alt 73 d’Acht 2007—

Leasú ar alt 73  
d’Acht 2007.

(a) i bhfo-alt (1), trí “alt 71 nó alt 71A, de réir mar a bheidh,”  
a chur in ionad “alt 71”,

(b) i bhfo-alt (2), trí “alt 71(a) nó 71A(a)” a chur in ionad  
“alt 71(a)”.

**17.**—Leasaítear alt 74 d’Acht 2007—

Leasú ar alt 74  
d’Acht 2007.

(a) trí “faoi alt 71 nó 71A” a chur in ionad “faoi alt 71”, agus

(b) trí “in alt 71(a) nó 71A(a)” a chur in ionad “in alt 71(a)”.

**18.**—Leasaítear alt 75 d’Acht 2007 i bhfo-alt (1)—

Leasú ar alt 75(1)  
d’Acht 2007.

(a) trí “faoi alt 71 nó 71A” a chur in ionad “faoi alt 71”, agus

(b) trí “in alt 71(a) nó 71A(a)” a chur in ionad “in alt 71(a)”.

**19.**—Leasaítear alt 76 d’Acht 2007—

Leasú ar alt 76  
d’Acht 2007.

(a) i bhfo-alt (1)—

(i) trí “faoi alt 71 nó 71A” a chur in ionad “faoi alt 71”,  
agus

(ii) trí “in alt 71(a) nó 71A(a)” a chur in ionad “in alt  
71(a)”,

agus

(b) i bhfo-alt (3), trí “faoi alt 71 nó 71A” a chur in ionad “faoi  
alt 71”.

**20.**—(1) Féadfar Acht na Lia-Chleachtóirí (Leasú), 2011 a ghairm  
den Acht seo.

Gearrtheideal agus  
tosach feidhme.

(2) Tiocfaidh an tAcht seo, seachas *ailt 1, 2, 5 agus 20*, i ngníomh  
cibé lá nó laethanta a cheapfaidh an tAire le hordú, i gcoitinne nó  
faoi threoir aon chríche nó forála áirithe, agus féadfar laethanta  
éagsúla a shocrú amhlaidh chun críoch éagsúil agus le haghaidh  
forálacha éagsúla.